



Qeqqata Kommunia

SIUNNERSUUT 2015-IMI JUUNIP 9-ANEERSOQ

AQQUSINERNUT PISUINNAALLU AQQUTAANNUT TAMANUT ATUGASSIANUT MALERUAQQUSAQ, ingerlatsineq, aserfallatsaaliineq aputaajaanerlu ilanngullugit.

1. Atuuffiat.

Maleruaqqusaq una Qeqqata Kommunianit pigineqartunik ingerlanneqartunillu aqqusinernik pisuinnaallu aqqutaannut tamanut atugassianut tamanut kommunip biilnut uninngasarfiutaanik ilalik atuuppoq.

Maleruaqqusaq illoqarfiup nunaqarfiullu iluani atuuppoq, nunaannarmi aqqusinut atuutinnigilaq. Aqquserngit ingerlaarfiit biilnullu unittarfiit ataasiakkaat isumannaallisaaneq pissutigalugu piffissami sivikinnerusumi sivisunerusumiluunniit assiaquserlugit matugallarneqarsinnaasarput, ingerlaarfimmilu tassani angallannissamut malittarisassat immikkut ittut aalajangersarneqartarput

2. aqquserngit pisuinnaallu aqqutaat tamanut atugassiat suuppat?

Sanaartorfigissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-meersoq naapetorlugu, pisortat aqquserni matumani paasineqassaaq tassaasut aqqusernit sumiiffiillu nalinginnaasumik tamanut ammasut aammalu kommunimit aqunneqartut.

Pisortat kuuffeqarfinnut pillugu Inatsisartut inatsisaat nr. 16, 17. November 201-meersumi § 4 assigalugu, aqquserngit tamanut atugassiat ima paasineqassapput:

- Aqquserngup pisuinnarnulluunniit aqqutip illunut marlunnut amerlanerusunulluunniit aqqutaassaaq, tamatumani illu piginnittumik ingerlatsiveqarfimmilluunniit ataatsimik pigineqassanani.
- Illu affarleriit assigiinngitsunik piginnittoqartoq aammalu A-mik B-millu agguaqqasoq, tassunga atatillugu illutut ataatsitut isigineqarpoq.
- Aqqusineeqqap pisuinnaalluunniit aqqutaasa appakaaffissiat illumut ataasiinnarmut ingerlatsivimmulluunniit / piginnittumut ataatsimut arlalinnik illutalimmut aqqusigaassapput.

Assersuutigalugu illuutiqatigiiffimmi arlalinnik illutalimmi aqqusinermik ataatsimoorussamik pisuinnarnullu aqqummik ataatsimoorussamik aqquserngit kommunimit figuneqarsimangippata, aqquserngit ataatsimoorussat pisuinnaalluunniit aqqutaat ataatsimoorussat aqqusiniutimik ingerlanneqarnissaanut peqatigiiffimmik pilersitsisariaqarput. Aqqusineq biilnullu uninngasarfiit qalliusigaasimassapput, tassa imaappoq, asfaltimik beton-imik sioqqanilluunniit qalligaasimassaaq. Pisuinnaat aqqutaat amerlanertigut asfaltimik sioqqanilluunniit qalliusigaasarput, kisianni aamma ilaatigut pisuinnaat

aqqutigisinnaavaat nalinginnaasut, ikaartarfiit, majuartarfiit sangoriaat qisuinnaasut majuartarfiillu atorpeqartarlutik.

Aqquserngit nunaminertaannut aamma kuuffiit, aqquserngit ataanni kuuffiit aammalu aputinik katersuisarfiit ilaatinneqarput. Aqquserngit sinerlugit apussinernut nunaminertat nalinginnaasumik aqquserngup qeqqaniit uuttorlugu 7,5 m-imit annertussuseqarput, aammalu Inatsisartut inatsisaat nr. 16, 17. November 2010-meersumi § 22 naapertorlugu nunaminertat taakku aqqusinernut ilaapput. Taakununga ilaapput apummik uninngatitsiviit annertunerusut nunaminertanik atugassiinernut aputinut uninngatitsivissatut atugassiaasut.

3. Aqqusinernut kikkut oqartussaassuseqarpat?

Inatsisartut inatsisaat nr. 16, 17. november 2010-meersumi § 6 naapertorlugu, aqqusinernut Naalakkersuisut oqartussaapput, aammalu aqqusinernut tamanut atugassianut aamma biilinit uninngasarfinnut angallannermut inatsit atuulluni.

Inatsisartut inatsisaat nr. 16, 17. november 2010-meersumi § 6 imm. 3 naapertorlugu, sumiiffimmi aqqusinernut tamanut atugassianut aqquserngillu ingerlanneqarnerinut kommuni oqartussaavoq.

Umiarsualiviup nunataa aamma nunaminertaavoq angallaffiusoq, Umiarsualivimmi oqartussanit ingerlanneqartussiaq. Aqqusineeqqanut, aqqusinernut appakaaffissianut, isaarissanut pisuinnaallu aqputaannut appakaaffissianut majuartarfinnullu kiisalu biilinit uninngasarfinnut inuinnarnit pigineqartunut, aqqusinernut inuinnartut atugassiamut nunaminertamik atugassinneqarssimasoq aamma saligaatsuutitsinissamut, aserfallatsaaliinissamut aammalu aputaajaanissamut pisussaaffeqarpoq.

4. Aqquserngit tamanit atugassiat qanoq atorpeqassappat?

Aqquserngit biilinnullu unittarfiit tamanit atugassiat nalinginaasumik angallannermi atorpeqarsinnaapput, tamannalu malittarisassiaq una naapertorlugu pissaaq.

Nunaminertani angallaffiusussatut tamanut atugassiani allagartalersuutit, taamaallaat kommunip akuersissuteqarneratigut ikkunneqarsinnaapput.

Aqqusinerni biilinnullu unittarfinni tamanit atugassiani kuutsitsisoernerit suulluunniit piaartumik katersorneqassapput igikkiartorneqarlutillu. Eqqagassalerinernut maleruaqqusami eqqagassat angisoorsuit upernaakkullu takujuminarsaanernut tunngatillugu akuerisaasut eqqaassangikkaanni, tamanit atugassiatut ingerlaarfissiani eqqagassanik inissiisoqaaqqusaanngilaq.

Angallaffissiani tamani atugassiani biilinit nalunaarsugaanngitsunik, atortulersuutininik atortunilluunniit inaaliisoqaaqqusaanngilaq.

Aqqusinernut tamanit atugassianut appakaaffissaaq tamatigut aqqutigineqarsinnaasunngorlugu ammatinneqartassaaq, aammalu biilinit, atortunit atortulersuutinilluunniit sivilaartumi uninngatitanit asserneqarsimassanngilaq.

Qatserisartuniit, Politinik Peqqissaavimmilluunniit annaassiniarluni angallassissutinut tamatigut appakaaffiusinnaassaaq.

Silaannaap nillissusaata – 20 grader C qulaassimanngippagu, biilit motoriat ingerlatiinnarlugu 30 minutsit sinnerlugit uninngatiinnaqusaanngillat.

Lastimit/mut nioraanermi ikioraanermi atorpeqartartunik biili ikorfaqarpat ammukartinneqartartunik, ikorfaq qisummik alliaquserneqassaaq ima angitigusumik, aqquuserngup qalliusersuutaanut ininitsitsisoqassanani. Biilit larvebånd-illit saviminernilluunniit assakaasullit nunaminertani asfaltikkani toqqaannartumik ingerlaqusaanngillat. Biilit taamallaat gumminik larvebånd-illit nunaminertani asfaltikkani ingerlaqusaapput.

Aqqusinerni asfaltikkani biilit ruujorinik nassatanulluunniit qajannaallisaatit kalequsaanngillat.

Ikaartarfinni ingerlaarffinniluunniit aserujasuni naqitsineq killeqarsinnaavoq, taamaattoqassappallu allagartaliinikkut paasissutissiisutigineqassaaq. Nunaqarfinni aqquuserngit ilaat killilimmik nerutussuseqarsinnaapput.

5. Aqquuserngit tamanit atugassiat ataanni pilersuinernut aqqutinut aalajangersakkat.

Pilersuinermut aqqutit aqquuserngup qulaatungaanut nikittoornernik kinguneqartitsissanngippata, tamanut angallaffiusup ataani innaallagissamut, imermut, kiassarnermut, kuuffissuarnut tele-miillu pilersuinermut aqqutinik assaasoqarsinnaanera akuersissutaavoq. Pilersuinermut aqqutit aqqusinermi angallannermiit naqitsinernik sapinngisaqarsinnaassapput. Pilersuinermut aqqutit katersuuffiinut matugisat aqqusinerni pilersinneqassapput aqquuserngup portoqataanik aammalu pilersuinermut aqqutit katersuuffiisa matuata angallannermiit artukkiisinnaaneq sapissanngilaa.

Aqqusinerni tamanit atugassiat ataanni pilersuinermut aqqutinut pilersitsinnginnermi, Inatsisartut inatsisaat nr. 16, 17. November 2010-meersumi § 23 naapertorlugu, assaanissamut akuerissummik qinnuteqartoqaaqqaassaaq, immersugassaq kommunip nittartagaani aaneqarsinnaavoq. Assaanissamut akuersissutip nassiunneqarsimanissaa sanaartortup akisussaaffigivaa, aammalu aqqusinermi tamanut atugassiami pilersuinermut aqqutinik suliaqarnermi ajoqusiisimasinnaanerit iluarseqqinnissaanut sanaartortup suliarissavai.

6. Kuussinernut aqquuserngillu ataatungaanni kuutsitsinernut aalajangersakkat.

Qaliat sinaannit imikoq imerlu kiisalu imikoq mingunnikoq akuerisaasut kisimik nunamut kuuffinnullu kuutsinneqarsinnaapput.

Aqquuserngup sanilequtaanik, anillaffissiamik appakaannissamullu aqqusineeqqanut attavilersinnerit kommunimit akuersissutigineqassapput (nunaminertamik atugassiineq), aammalu aqquuserngup ataatungaani minnerpaamik diameterimut Ø400mm-imik kuuffilernerneqassallutik, taamaalilluni kuussinermi imeq kuuginnarsinnaaniassammat aqquuserngullu ataanni kuuffik salinneqarsinnaaniassammat.

Aqqusinermut tamanut atugassiamut imermik kuuttoqarpa sermimillu ajoqutaasumik pilersitsisoqarpat, kommuni sermiiassaaq. Illumit aqqusinermut

imikumik kuutsisinissamut akuersissuteqanngitsumit pippat, sermiiaaneq taanna illumik piginnittumut akiligassanngortinneqassaaq.

7. Aputaajaaneq siorarterinerlu.

Illoqarfinni Kangerlussuarmilu aqqusinernik tamanit atugassianik aputaajaaneq kommunip suliarissavaa tullinnguuttutigut pingaarnersiulluni:

1. Qatserisartunut, peqinnissaqarfimmuq, eqqaavilerisunut bussillu ingerlaarnerinut aqquserngit pingaarnert,
2. Aqquserngit sinneri,
3. Pisuinnaat aqqutaat majuartarfiillu,
4. Biilinuq unittarfiit tamanut atugassiat.
5. Pisuinnaat aqqutaat aammalu nunami pisuttarfiit periarfissaqartillugu tamaallaat aputaajarneqartarput.

Nunaqarfinni qatserisartut eqqaavilerisullu kiisalu nunaqarfimmi aqquserngit sinneri aqqutissaqartikkumallugit aputaajarneqartarput, aammalu aputaajaaneq annikinnerusinnaalluni aamma ATV, biilinuq 4-hjulinuq snescooterinulluunniit angallannissamut suliarineqartarlutik.

Sermimik quatsersimatillugu kommuni siorarterisoqarnissaanik aallartitsisinnaavoq aputaajaasarnermi tulleriaarnermi periuseq malillugu.

Aputaajaaneq siorarterinerlu nalinginnaasumik illoqarfinni piffissami nal. 04:00 - 22:00 nunaqarfinnilu nal. 07:00 - 17:00 pisassaaq.

Kommuni aputaajaanernik siorarterinermilluunniit kommuni ingerlatsineq ajorpoq, aqqusinerni isumannaallisaanikkut immikkut aalajangersaaffigisani inissisimasuni, soorlu makkunani:

- Qaartiterutissaasiviit eqqaanni tikitsaaliukkat iluini aqqusinerni,
- Tamanut angallannissamut immikkut akuersissuteqartoqarsimatinnagu imeqarfiup killeqarfiata iluani aqqusinerni,
- Tankeqarfiup killeqarfiata iluni aqqusinerni.

Aputaajaanermi inuinnaat aqqusineeraasa appakaaffissianilu anillaffissalluunniit eqqaani aputinik niffarlukunik annikitsunik pilersoqarsinnaavoq. Aqqusineeqqamik, appakaaffissamik anillaffissamilluunniit atuisup/piginnittup aputit niffarlukut aqqusinermut tamanut atugassiamut aputaajarnissaat namminneq isumagisassarivaat.

Aqquserngup eqqaani cykkilinik, aneerussivinnik assigisaannilluunniit inaaliisoqaruni, seqersittartunik qummut tikkungasunik ersarissumik ilisarnaaserneqarsimassappt, taamalillutik aputaajaasumut ersissallutik. Cykkilinuq, aneerussivinnut assigisaanullu inaalineqarsimasunut ersarissumik ilisarnaaserneqanngitsunut imaluunniit apummit matuneqarsimasunut taarsiisoqarneq ajorpoq.

8. Saaffiginninnerit.

Aqqusinerni, pisuinnaat aqqutaanni biilinuqunniit unittarfinni kukkunernik amigaatinilluunniit paasinnittoqaruni, tamanna kommunimut

Aqqusinernut tamanut atugassianut, ingerlatsinermut, aserfallatsaaliinermut aputaajaasarnermullu maleruaqqusaq, Qeqqata Kommunia

nalunaarutigineqassaaq, angallannermi ajoqusernerit Politinut
nalunaarutigineqassapput.

Panartumik saaffiginnissutit ukununga pissapput:

Sisimiuni kommunip sannavia oqarasuaat 864322 / aputaajaaneq 526622 allat
585877

Kangerlussuaq oqarasuaat 531859.

Maniitsoq oqarasuaat 520808 / 520435 / 520828.

Kommunip aqqusiniutaanut tamanut atugassiaanut ataatsimut saaffiginninnerit
pissapput Qeqqata Kommunian Box 1014, 3911 Sisimiut, e-mail

qeqqata@qeqqata.gl oqarasuaammulluunniit 702100 imaluunniit allakkasuartaat
702177.

9. Atuutsitsineq.

Aqqusinernut tamanut atugassiaanut appakaannissamut assiaqutinngorlugit
isikkivimmulluunniit ajoqutaalersillugit atortulersuutit atortulluunniit aqqusinermut
inissineqarsimasut, maleruaqqusaq una malillugu, ilisimatitseqqaarani piginnittullu
nammineq akisussaaffigisaanik akiligassaanillu aqqusinermut peerlugit
nuunneqassapput. Maangaannartitsinerit atortulluunniit katanneqarsimasut
aqqusinermut peerneqanngitsut, piginnittup nammineq akisussaaffigisaanik
akiligassaanillu ilisimatitseqqaarani eqqaavimmuut igikkiartorneqassapput
inacaliisarfimulluunniit aqqusinermut peerneqarlutik nuunneqassapput.

10. Atuutilersitsineq.

Kommunalbestyrelsimi akuersissuteqareernerup kingorna ullut 30-it
qaanngiunneranni maleruaqqusat atuutilersinneqassaaq.

2015-imi xx. xx-imi Qeqqata Kommunalebstyrelsanit akuersissutigineqarpoq.

Herman Berthelsen
Borgmesteri

Paneeraq Olsen
Kommunimi pisortaaneq

*Sugarloaf aqusaarlugu Kangerlussuarmiit sersersuarmut angallanneq immikkut
aalajangersaaffigineqarpoq, aalajangersagaq kingulleq 2005-imi juulip 30-aneerpoq.*

Maniitsup Kommuneanut aqqusinermut ileqqoreqqusaq 1990-imi marsip

aallaqqaataaneersoq 2015-imi apriliip aallaqqaataani atorunnaarpoq.

*Kommunip eqqagassalerinermut ileqqoreqqusaa naapertorlugu eqqagassanik igitsisarneq
pisassaaq.*

*Puttasunik atuinermut maleruaqqusaq malillugu kommunip puttasuutaanik atuneq
pissaaq.*

*Kommunip maleruaqqusaanut, assaasinnaanermut qinnuteqarnissamut immersugassanut
akigititanullu paasissutissat kommunimut saaffiginninnikkut imlauunniit kommunip
nittartagaatigut WWW.qeqqata.gl pissarsiarineqarsinnaapput.*